

**946**

Na osnovu člana 48. stav (5) i člana 65. stav (1) tačka k) Zakona o zaštiti stanovništva od zaraznih bolesti Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 41/20) šef Odjeljenja za zdravstvo i ostale usluge donosi

**PRAVILNIK  
O NAČINU I USLOVIMA POD KOJIMA SE VRŠI SAHRANJIVANJE,  
EKSHUMACIJA I PREVOZ UMRLIH LICA**

**Član 1.  
(Predmet)**

Pravilnikom o načinu i uslovima pod kojima se vrši sahranjivanje, ekshumacija i prevoz umrlih lica (u daljnjem tekstu: Pravilnik) regulišu se način i uslovi pod kojima se vrši sahranjivanje, ekshumacija i prevoz umrlih lica.

**Član 2.  
(Ekshumacija posmrtnih ostataka)**

- (1) Prilikom ekshumacije posmrtnih ostataka, bez obzira na uzrok smrti i način sahrane, obavlja se dezinfekcija sanduka, grobnice i neposredne okoline odgovarajućim dezinfekcionim sredstvima.
- (2) Ekshumaciju posmrtnih ostataka obavlja lice koje nema rane, kraste ili posjekotine, a prilikom obavljanja ekshumacije nosi zaštitnu odjeću sa gumenom kecljnom, masku za lice, duge gumene rukavice i gumene čizme.
- (3) Zaštitna odjeća i obuća iz stava (2) ovog člana upotrebljava se isključivo u svrhu ekshumacije i dezinfikuje se poslije svake upotrebe.
- (4) U slučaju da se ekshumacija posmrtnih ostataka zahtijeva u ljetnom periodu, nadležni inspektor upoznaje lice koje traži ekshumaciju sa rizicima obavljanja ekshumacije u periodu visokih dnevnih temperatura.

**Član 3.  
(Prenos umrlog lica koje nije bilo sahranjeno)**

- (1) Umrlo lice koje nije bilo sahranjeno prenosi se unutar Brčko distrikta Bosne i Hercegovine (u daljnjem tekstu: Distrikt) u drvenom sanduku koji se može potpuno zatvoriti ili u vreći za transport posmrtnih ostataka.
- (2) Umrlo lice koje nije bilo sahranjeno prenosi se iz inostranstva u Distrikt u zalemljenom metalnom sanduku, koji je stavljen u drveni sanduk, koji se može zatvoriti za siguran prevoz.

**Član 4.  
(Prenos umrlog lica koje je bilo sahranjeno)**

- (1) Umrlo lice koje je bilo sahranjeno prenosi se unutar Distrikta u zalemljenom metalnom sanduku, koji je stavljen u drveni sanduk, koji se može zatvoriti, ili u vreći iz člana 3. stav (1) ovog pravilnika, koja se može staviti u drveni sanduk.
- (2) Umrlo lice koje je bilo sahranjeno prenosi se iz inostranstva u Distrikt ili iz Distrikta u inostranstvo u zalemljenom metalnom sanduku, koji je stavljen u drveni sanduk, koji se može zatvoriti za siguran prevoz.
- (3) Ekshumirani posmrtni ostaci koji su u stanju skeletizacije, radi prenosa i sahranjivanja na drugoj, za to predviđenoj, lokaciji na teritoriji Distrikta, prenose se u drvenom sanduku ili u vreći za transport posmrtnih ostataka navedenoj u članu 3. stav (1) ovog pravilnika.

**Član 5.  
(Prenos lica umrlog od posebno opasne zarazne bolesti koje nije bilo sahranjeno)**

- (1) Umrlo lice koje nije bilo sahranjeno, a koje je umrlo od posebno opasne zaraze bolesti, prenosi se u zalemljenom metalnom sanduku, koji je stavljen u drveni sanduk, koji se može zatvoriti za siguran prevoz.
- (2) Umrlo lice iz stava (1) ovog člana umotava se u platno natopljeno odgovarajućim rastvorom dezinfekcionog sredstva i sprema u vreću za transport posmrtnih ostataka.
- (3) Opremanje lica umrlog od bolesti navedene u stavu (1) ovog člana vrši zdravstvena ustanova u kojoj je lice umrlo.
- (4) Opremanje lica iz stava (3) ovog člana obavlja zdravstveni radnik ili drugi radnik zdravstvene ustanove uz provedene sve

odgovarajuće mjere lične zaštite.

- (5) Lice koje je umrlo od zarazne bolesti navedene u članu 48. stavu (4) Zakona o zaštiti stanovništva od zaraznih bolesti Brčko distrikta BiH može se ekshumirati tek po isteku godinu dana od dana sahranjivanja.

**Član 6.  
(Prevoz umrlog lica)**

- (1) Prevoz umrlog lica obavlja se namjenskim vozilom za prevoz umrlog lica.
- (2) Ukoliko se prevoz umrlog lica obavlja na udaljenosti većoj od 50 kilometara ili ako se prevoz umrlog lica obavlja nakon izvršene obdukcije, prevoz se obavlja namjenskim vozilom, koje ima ugrađen odgovarajući rashladni sistem u prostoru za prevoz umrlog lica.

**Član 7.  
(Prevoz umrlog lica željeznicom)**

- (1) U slučaju da se prevoz umrlog lica obavlja željeznicom, prevoz se vrši u posebnom vagonu namijenjenom za prevoz umrlog lica.
- (2) U vagonu iz stava (1) ovog člana može se prevoziti i više umrlih lica koja se prenose u skladu s članovima 3, 4. ili 5. ovog pravilnika.

**Član 8.  
(Prevoz umrlog avionom)**

Prevoz umrlog lica može se vršiti i avionom u namjenskom transportnom prostoru, koji je na adekvatan način odvojen od prostora za prtljag.

**Član 9.  
(Sprovodnica za prenos umrlog lica)**

- (1) Prenos umrlog lica unutar Distrikta, u Distrikt ili iz Distrikta, obavlja se uz sprovednicu za prenos umrlog lica (u daljnjem tekstu: sprovednica).
- (2) Ekshumacija i prenošenje umrlih lica unutar Distrikta i iz Distrikta u inostranstvo obavlja se uz dokumentaciju koju izdaju nadležni organi, na način da na zahtjev člana uže porodice umrlog lica ili njihovog punomoćnika nadležni inspektor rješenjem utvrđuje uslove za ekshumaciju i prenos umrlog lica.
- (3) Sprovednicu za prenos umrlog lica unutar Distrikta, ili iz Distrikta izdaje nadležni inspektor, na obrascu koji je sastavni dio ovog pravilnika (ANEKS I).
- (4) Sprovednica iz stava (3) ovog člana izdaje se u mjestu odakle se prenosi umrlo lice.

**Član 10.  
(Prenos umrlog lica iz inostranstva u Distrikt)**

- (1) Prenos umrlog lica iz inostranstva u Distrikt vrši se na osnovu saglasnosti šefa Odjeljenja za zdravstvo i ostale usluge i sprovednice iz člana 9. stav (1) ovog pravilnika, koju je izdalo nadležno diplomatsko-konzularno predstavništvo Bosne i Hercegovine u zemlji iz koje se umrlo lice prenosi ili nadležni organ zemlje iz koje se umrlo lice prenosi.
- (2) Lice koje traži prenos umrlog lica iz inostranstva u Distrikt, Odjeljenje za zdravstvo i ostale usluge (u daljnjem tekstu: Odjeljenje) podnosi zahtjev za prenos umrlog lica, naveden u obrascu koji je sastavni dio ovog pravilnika (ANEKS II).
- (3) Uz zahtjev za prenos umrlog lica iz stava (2) ovog člana, Odjeljenje se dostavljaju izvod iz matične knjige umrlih i dokaz o uzroku smrti, potpisan od nadležnog doktora medicine.
- (4) Dokaz o uzroku smrti, potpisan od nadležnog doktora medicine, dostavlja se Odjeljenju za sva lica od čije smrti je prošlo manje od tri godine.
- (5) Odjeljenje može, u slučaju smrti od zarazne bolesti lica čiji se posmrtni ostaci prenose, zatražiti i dodatnu medicinsku dokumentaciju.

**Član 11.  
(Prenos urne)**

Prenos urne unutar Distrikta, u Distrikt i iz Distrikta obavlja se na osnovu potvrde krematorija o izvršenom kremiranju.

**Član 12.****(Ekshumacija posmrtnih ostataka radi prenosa iz jednog grobnog mjesta u drugo)**

- (1) Ekshumacija posmrtnih ostataka radi prinosa iz jednog grobnog mjesta u drugo grobno mjesto na istom groblju ili u drugo groblje unutar Distrikta ili iz Distrikta obavlja se u prisustvu nadležnog inspektora.
- (2) Na zahtjev članova uže porodice umrlog lica ili njihovog punomoćnika, nadležni inspektor rješenjem utvrđuje uslove za ekshumaciju i prenos umrlog lica.
- (3) U slučaju da su članovi uže porodice umrli prije umrlog lica, zahtjev iz stava (2) ovog člana može podnijeti drugi srodnik prema redosljedu utvrđenom propisima o nasljeđivanju, uz izjavu da je jedini srodnik ili da je opunomoćen od strane drugih srodnika, u pisanoj formi.

**Član 13.****(Zahtjev za prenos umrlog lica)**

- (1) Lice koje traži odobrenje za prenos umrlog lica unutar Distrikta ili iz Distrikta, nadležnom organu uprave dostavlja zahtjev za prenos umrlog lica.
- (2) Zahtjev iz stava (1) ovog člana naveden je u obrascu koji je sastavni dio ovog pravilnika (ANEKS III).
- (3) Uz zahtjev iz stava (1) ovog člana prilažu se:
  - a) izvod iz matične knjige umrlih,
  - b) dokaz o uzroku smrti, ako je od smrti lica prošlo manje od tri godine,
  - c) pismena saglasnost članova porodice, srodnika odnosno punomoćnika za ekshumaciju i mjesto sahrane.

**Član 14.****(Stupanje na snagu)**

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj predmeta: 02-000078/21  
Broj akta: 05-1535AM-0014/23  
Datum, 31. 5. 2023. godine  
Mjesto, Brčko

ŠEF ODJELJENJA  
Mr. sc. Asmir Mujanović, dipl. oec., s. r.

## ANEKS I

Naziv organa koji izdaje sprovodnicu

Name of authority which issues the laissez-passer for a corpse

**SPROVODNICA ZA PRENOS UMRLOG LICA  
LAISSEZ-PASSER FOR A CORPSE**

a) **PODACI O UMRLOM LICU:**

**DATA ABOUT THE DECEASED PERSON**

1. Ime, očevo ime, prezime (za udate osobu ženskog spola navesti djevojačko prezime):

Name, father's name surname (for married woman also maiden surname):

2. Datum, mjesto i država rođenja:

Date, place and country of birth:

3. Državljanstvo:

Citizenship:

4. Sat, dan, mjesec i godina, mjesto i država gdje je nastupila smrt:

Hour, date, place and country of death:

5. Uzrok smrti\*:

Cause of death\*:

Šifra MKB-10:

Code ICD-10:

6. Da li je lice bilo sahranjeno?

Was the deceased person interred?

DA  
YES

NE  
NO

7. Da li je umrlo lice umrlo od zarazne bolesti?

Did the deceased person die from infectious disease?

DA  
YES

NE  
NO

b) **OSTALI PODACI**

**OTHER DATA**

1. Mjesto i država gdje će umrlo lice biti sahranjeno?

Place and country where the deceased will be interred?

2. Prevozno sredstvo (marka vozila i registarski broj) kojim se obavlja prenos umrlog lica?

Means of transport (for motor vehicles registration number also)?

3. Država/-e kroz koje se prolazi prilikom prevoza umrlog lica na mjesto sahrane:

Transit country(ies) to the place where the deceased will be interred:

4. Mjesto prelaska granice pri ulasku posmrtnih ostataka u zemlju u kojoj će se obaviti sahrana?

Reference number and date of authorization for transport of the deceased and name of authority which issued it:

5. Broj i datum rješenja kojim se odobrava prenos umrlog lica i naziv institucije koja ga je izdala:

Reference number and date of authorization for transport of the deceased and name of the authority which issued it:

6. Rješenje – Sprovodnica kojim se odobrava prenos umrlog lica izdato na zahtjev:

Authorization for transport issued at request of:

7. Ime, prezime i adresa osobe u pratnji umrlog lica:

Name, surname and the address of the person accompanying the corpse:

Datum izdavanja sprovodnice:

Date of issuing the laissez-passer for corpse:

Potpis i pečat ovlaštenog lica / organa koji izdaje sprovodnicu:

The signature and stamp of the authorized person / institution for laissez-passer for a corpse:

\_\_\_\_/\_\_\_\_/\_\_\_\_. godine

\*Uzrok smrti naveden u tački 5. ovog obrasca navodi se čitko, na jednom od službenih jezika Bosne i Hercegovine, i po mogućnosti na engleskom jeziku, uz navedenu šifru Medunarodne klasifikacije oboljenja (MKF), 10. izdanje. Ako uzrok smrti nije naveden zbog očuvanja profesionalne tajne, onda dokument u kojem se navodi uzrok smrti treba da se stavi u zapечатenu kovertu i da se predoči ovlaštenoj službi u državi/mjestu konačne destinacije. Zapечатena koverta na spoljašnjoj strani mora imati identifikacione podatke umrlog lica i mora biti čvrsto spojena uz sprovodnicu za prenos umrlog lica.

\*Cause of death, referred to under item 5 of this form, is to be written legibly, in one of the official languages of Bosnia and Herzegovina, and, if possible, in English, with a specified code from the International Disease Classification (IDC) – 10th edition. If cause of death is not stated for reasons of professional secrecy then a certificate indicating the cause of death should be placed in a sealed envelope accompanying the corpse during transport and presented to the competent authority in the State of destination. The sealed envelope, which shall bear some external indication for identification purposes, shall be securely attached to the laissez-passer.

## ANEKS II

Ime i prezime podnosioca Zahtjeva

--	--	--	--	--	--	--	--	--	--	--	--	--	--	--	--	--	--	--	--	--	--	--

Adresa

Telefon

**ZAHTJEV ZA PRENOS UMRLOG LICA  
IZ INOSTRANSTVA U BRČKO DISTRIKT BOSNE I HERCEGOVINE**

Podaci o umrlom licu:

Prezime (i djevojačko prezime): \_\_\_\_\_

Ime oca: \_\_\_\_\_

Ime: \_\_\_\_\_

Dan, mjesec i godina rođenja: \_\_\_\_\_ / \_\_\_\_\_ / \_\_\_\_\_ . godine

Mjesto rođenja: \_\_\_\_\_

Državljanstvo: \_\_\_\_\_

Mjesto i država gdje je smrt nastupila: \_\_\_\_\_

Sat, dan, mjesec i godina smrti: \_\_\_\_\_ : \_\_\_\_\_ sati, \_\_\_\_\_ / \_\_\_\_\_ / \_\_\_\_\_ . godine

Uzrok smrti: \_\_\_\_\_

Da li je umrlo lice bilo sahranjeno? DA NE

Ostali podaci (popuniti čitko, štampanim slovima)

Prevozno sredstvo kojim će se izvršiti prevoz umrlog lica: \_\_\_\_\_

Prevoz umrlog lica vrši se u pratnji (ime i prezime osobe): \_\_\_\_\_

Granični prelaz ulaska u BiH: \_\_\_\_\_

Da li je osigurano grobno mjesto? DA NE

Mjesto i naziv groblja/mezarja u kojem se umrlo lice sahranjuje: \_\_\_\_\_

Prilog:

1. izvod iz matične knjige umrlih,
2. dokaz o uzroku smrti (ako je od smrti lica prošlo manje od tri godine).

U \_\_\_\_\_, dana \_\_\_\_\_ / \_\_\_\_\_ / \_\_\_\_\_ . godine

\_\_\_\_\_  
Potpis

## ANEKS III

Ime i prezime podnosioca Zahtjeva												
Adresa												
Telefon												

**ZAHTJEV ZA EKSHUMACIJU/PRENOS UMRLOG LICA  
UNUTAR/IZ BRČKO DISTRIKTA BOSNE I HERCEGOVINE****Podaci o umrlom licu:**

Prezime (i djevojačko prezime):	_____
Ime oca:	_____
Ime:	_____
Dan, mjesec i godina rođenja:	___/___/_____. godine
Mjesto rođenja:	_____
Državljanstvo:	_____
Mjesto gdje je smrt nastupila:	_____
Sat, dan, mjesec i godina smrti:	___:___ sati, ___/___/_____. godine
Uzrok smrti:	_____
Da li je umrlo lice bilo sahranjeno?	DA NE

**Ostali podaci**

Srodstvo podnosioca Zahtjeva sa umrlim licem:	_____
Datum i vrijeme iskopavanja posmrtnih ostataka:	___:___ sati, ___/___/_____. godine
Zemlja i mjesto u koje se umrlo lice prenosi:	_____
Granični prelaz izlaska prevoznog sredstva iz BiH:	_____
Mjesto ulaska u zemlju u kojoj će se obaviti sahrana:	_____
Država tranzita:	_____
Da li je osigurano grobno mjesto?	DA NE
Općina/grad, mjesto i naziv groblja u kojem se umrlo lice sahranjuje:	_____
Prevozno sredstvo kojim će se izvršiti prevoz umrlog lica (tip, marka, registarska oznaka):	_____
Prevoz umrlog lica vrši se u pratnji (ime i prezime osobe):	_____

## Prilog:

1. izvod iz matične knjige umrlih (kopija, uz predočenje originala, ili ovjerena kopija)
2. dokaz o uzroku smrti (ako je od smrti lica prošlo manje od tri godine)
3. pismena saglasnost članova porodice/srodnika

U \_\_\_\_\_, dana \_\_\_\_ / \_\_\_\_ / \_\_\_\_\_ godine

---

Potpis

